

VCAL HI ZEIDAH ASI?

Victorian Certificate of Applied Learning (VCAL) cu tang 11 le 12 siangngakchia pawl nih kuttongh in tuah dingah i tthim mi pakhat a si.

VCAL nih hin rian he aa pehtlai mi thiamnak siseh ca le kanaan thiamnak hna, nunnak le rian caah a biapi mi pumpak tthanchonak caah kuttongh in tuahmi thiamnak pawl an ngeiher khawh. VCAL zong hi Victorian Certificate of Education (VCE) bantukin siangcung awnnak ah pom a si ve.

VCAL a lami siangngakchia pawl cu Technical and Further Education (TAFE) ah cawn, riancawn nak asilole sianginn an dih in rian ah luh hi an duh ttheu tawn. Sihmanhsehlaw, VCAL na lak hnu in na lung na thlen i VCE lak tthan na duh zongah a tlai hlei lai lo.

VCAL i thlen khawh asinak nih hin na duh mi le cawn na herhmi he aa tlakmi cawn ding kha an thimter khawh. A tlamtling mi modules le unit pawl cawn hrimhrim dingin atanglei cawnding tthenmi pali hna hi thim an si:

- Ca le kanan thiamnak
- Rian he aa pehtlaimi thiamnak
- Sehzung ah a herhmi thiamnak
- Pumpak tthanchonak ca thiamnak

Tlamtling tein VCAL na dih ahcun lehmat le na cawn i na dihmi a phichuak tlamtling tein ttialnak roca pek na si lai.

Hngalh ka herhmi pawl

Zei caah dah VCAL ka lak lai?

University kai a duhmi siangngakchia hna caah VCE hi thim awkah a ttha mi a si nain hihi keimah nih ka thimawk ah a ttha mi asilo tiah na ruah kahwh men.

VCAL cu a tlamtling mi siangcung sianginn ah cawn mi thiamnak, tang 11 le 12 ah cawn mi a si. VCAL cu kuttongh in cawnnak a si i rian taktak he aa pehtlaimi cawnnak “applied learning” ti zong in auh a si.

VCAL lak dingin na thim a si ahcun kuttongh in hmuhtonak le rianttuan khawhnak thiamnak le rianhmun asilole TAFE ah cawn deuh na herh hnga mi thiamnak pawl kha na thiam hna lai.

Khuazei ahdah VCAL hi ka lak khawh lai?

VCAL cu ramkulh chung ah a um mi sianginn hna, TAFE le Adult Community Education (ACE) sianginn cheukhat ah cawn khawh a si. www.vcaa.vic.edu.au ah hin VCAL a ngei mi sianginn pawl zoh khawh an si.

VCAL level pawl hi zeitin dah tthen an si?

VCAL ah hin level pathum a um - Ahram, Alai le Asang ti`n tthen an si. Na saya asilole rian lei fimchimtu nih na herhmi he aa tlakbik mi level thim an in bawmh khawh lai.

Luhkhawhnak caah a herhmi a um maw?

A um lo. Nangmah na thiamtawk asi mi VCAL level in na thawk lai. Na saya asilole rian lei fimchimtu nih nangmah he aa tlakbik mi level thim an in bawmh khawh lai.

VCAL dihnak ah hin zeican dah ka rauh lai?

VCAL cu tang 11 le 12 siangngakchia hna caah tuah a si. Nangmah nih na thim i na cawn mi VCAL lehhmat asilole awnnak lehhmat kha VCAL prokrem tlamtling tein na dih tikah na hmuh lai. Siangngakchia tampi cu VCAL hi kumkhat ah an dih.

Tlamtling tein VCAL na dih tikah zeidah na hmuh lai?

Tlamtling tein VCAL prokrem na dih tikah nangmah nih na thiam mi VCAL level zulh in Ahram, Alai asilole Asang level dihnak VCAL lehhmat na hmu lai. Cun VCAL, VCE le VET hna ah na hmuhmi a mak ttialnak lehhmat na hmuh lai.

VCAL ah ze pawl dah relchih an si?

Vocational Education and Training (VET) lehhmat hi zeidah a si?

Vocational Education and Training (VET) nih hin siangngakchia pawl rianttuannak le tamdeuh in cawn an herhmi rian cawnnak caah sianginn, riancawnnak sianginn le sehzung pawl hmunkhat tein rianttuanti khawhnak a pek hna. Siangcung run tamdeuh ah VET hi cawn khawh a si i tthate in VCAL dih khawhnak a bawmh cun rampi nih a pom mi rian thiamnak zong a pek.

Rak cawn tthing miVET pawl tah VCAL ah relchih an si ve lai maw?

An si lai. Na rak cawn tthingmi zeizat dah VCAL ah hin relchih an si lai tile VCAL prokrem ah hin zeizat dah cawnchap ding na si lai ti kha na saya asilole rian lei fimchimtu sinah hal hna.

VCE ka dih cang. Hihi VCAL ka cawnmi ah relchih a si ve lai maw?

A si, na mak kha a awng 'S' ti a si ahcun VCE ah na cawn mi kha VCAL cawnmi ah relchih an si ve lai. VCAL prokrem ah na cawnchap a hau mi pawl zeidah an si lai ti kha na saya asilole rian lei fimchimtu chimh hna he tuaktan ding a si.

Ka lung i thleng ninglaw VCE ah ka tthial kho hnga maw?

Hiti tuah dingin na phehchah ahcun na saya asilole rian lei fimchimtu pawl na ruahceihpi hna ding a si.

VCAL ka cawn pah in caancheu in rian ka ttuan kho lai maw asilole ka rian cawn mi ka pehzul kho lai maw?

VCAL na cawn pah in caancheu in na ttuanmi rian pom piaknak le na thiammi cohlan piaknak na hmuh lai. Cu rian ah aa tel kho mi pawl cu:

- sianginn ah tuahmi rianttuan pah in riancawwnak asilole rian cawwnak
- Caancheu rian
- ningcang tein timhmi riancawwnernak.

VCAL hi zeitindah tah a si?

VCAL phung ning tein pommi cawwnak/lehmat phun tampi in tthen an si. Prokrem chung i a dal tete ah a herhning in na saya nih VCAL prokrem cu a tah.

Atlangpi in Thiammi Hneksaknak tuah a hau lai maw?

Atlangpi in thiammi hneksaknak cu kanan, teihpan le tuahning (science and technology) minung kong le hawikawmhnak (humanities and social sciences) le arts zeitluk in dah a thiam timi catial in hneksaknak a si. Hihi CVE Unit 3 le 4 hluaitlai pakhat asilole a tamdeuh a lami siangngakchia dihlak caah a si. VCE VET Unit 3 le 4 hluaitlai a la mi siangngakchia pawl zong atlangpi thiammi hneksaknak an tuah a hau ve. Asinain, tamdeuh in cacawn nak, rian cawwnak asilole rian he aa tlakning in tuahmi hneksak kha na thim khawh.

Zeidah ka cawn lai?

Na saya asilole rian lei fimchimtu hna bawmhnak in cawn na herhmi le na duhmi VCAL prokrem na thim lai. VCAL ah cawn hrimhrim ding in tuahmi cawn ding tthenmi a tang lei pali chung in na duhmi na thim khawh.

Cawnding tthenmi 1 – Ca le Kanan thiamnak hna

Na VCAL prokrem chungah ca le kanan aa tel hrimhrim a hau. Cu pawl cu VCAL ca lei cawwnak le VCAL kanan cawwnak unit le/asilole VCE Mirang le kanan asilole a dang lehmet hmuhnak caah cawn mi(upa pawl) chungin i thim khawh an si.

Cawnding tthenmi 2 – Sehzung ca a herhmi thiamnak pawl

Alai le Asang hna cu VCAL prokrem ah hin rampi pommi VET thiamnak kha cawn chih a hau. Asinain VET lehmat pakhat te theng in khan cawn asilole tuah a hau lo. Abianaah, VCAL ah a herhmi na tlamtlinh khawhnak lai cawnmi ca silole VET chung i unit a phunphun chung in na thim khawh cun rian lei thiamnak tampi na hmu lai. VET ah hin phuntampi a um i automotive, engineering, innsak, khualtlung dawt thiamnak le chawleh chawhrawl, multimedia, information technology, lothlawhnak, cinthlakning cawwnak, thilchiah thiamnak le sam le ttamh thiamnak hna an si.

Cawnding tthenmi 3 – Rian ca a herhmi thiamnak

Rianttuan khawhnak thiamnak na ngeih naklai, ningcang tein timhmi rian cawnternak, sianginn ah rian cawnnak asilole caancheu rian pawl kha na duhmi na thimkhawh. Rian na luh khawhnak dingah a bawm mi unit le cawnding pawl abianaah damte le himte in riantuanning asilole rian sok tik i biahlnak phitning pawl kha na cawn chih khawh hna.

Cawnding tthenmi 4 – Pumpak Tthanchonak Thiamnak pawl

Na VCAL prokrem chung in abu in rianttuan thiamnak, mah le mah i zumhnak le na nunnak le rian caah a biapi mi thildang hna caah thiamnak na chap naklai nan miphun asilole sianginn cawlcanghnak ah na tel ve lai. Abianaah, na sianginn kha khuachung kawngsi he zatlang dum zohkhenhnak rian an ttuanti men lai. Khabantuk ah na teltumnak in na cawn mi pawl kha VCAL ah rel chih an si.

VCAL nih khuazei ahdah a ka phanhpi lai?

VCAL hi tlamtling tein dih ning law a sangdeuh mi ka kai kho lai maw?

University kai colh na timh ahcun VCAL hi na caah a tthabik mi a si hrimhrim lo. A sangdeuh tiang kai aa tim mi siangngakchia pawl cu VCE an lak tawn i Victorian Tertiary Admissions Centre (VTAC) in sianghleirun luh khawhnak Australian Tertiary Admissions Rank (ATAR) kha an hmuh. VCAL a sangmi level na cawn i university kai ka duh men lai ti na ruah ahcun na saya asilole rian lei fimchimtu kha hal hna zeicatiah university zeimaw nih VCAL asang mi lehmat a ngei mi siangngakchia kha luhter dingin an ruahpiak hna. Asinain, sianginn lawng hi university kaicolhnak lam a si lo. Mizeimaw cu TAFE ah rian thiamnak an cawng, Diploma asilole Advanced Diploma an hun phanh in university an kai. Hiti i kainak dingah VCAL hi lamttha pakhat a si.

VCAL ka dih tikah zaidah ka thim khawh hna lai?

VCAL na dih tikah TAFE siangin le rian ngeitu pawl nih a pom mi rian he aa pehtlaimi hngalhnak le thiamnak na ngei lai. Hi hna nih hin sianginn in rian i luh colhnak, rian cawnnak le cawnnak asilole TAFE ah a sangdeuh kainak an bawmh lai.

Adonghnak ah, tang11 ah VCAL a hram level in na thawk i tlamtling tein na dih ahcun tang 12 ah alai le asang mi level kai dingin i ruah khawh a si. Asilole na duh ahcun na thim mi hi tuak tthan i university kai ka duh na ti ahcun VCE ah i thial khawh a si fawn.

VCAL nih hin chawlehnak ah a ka luhter kho lai maw?

VCAL chungin VET unit na dih a si ahcun rian ngietu pawl nih an duhmi hngalhnak le thiamnak na ngei lai, abianaah sehzung kong hngalhnak, sehzung hriam pawl hmanning le himte le damte in rianttuan ning.VET na dihnak nih khan hi sehzung i rianttuan a duhmi na sinak kha rian ngeitu nih an hngalh lai.

VCAL kong tamdeuh hngalh na duh ahcun Victorian Curriculum and Assessment Authority kha 1800 134 197 ah hin chawn hna asilole www.vcaa.vic.edu.au ah hin zoh